



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

LXXVII. Schiedspruch wegen des Rangverhältnisses der Domherrn, vom
26. März 1306.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

dignorum, maturo consilio hoc argentum nobis vendicauimus, Ipsum nostris vñibus conuertentes. Pro eodem argento donauimus et assignauimus Sex choros Tres Siliginis et Tres ordeï in villa et proprietate nostra Rokem sitos. Ibidem enim Johannes vocatus Rokez de duobus mansis et post eum sui heredes dabunt quolibet anno in festo Martini chorum et dimidium Siliginis et chorum et dimidium ordeï, Item Arnoldus quidam in eadem villa in eodem termino et post eum sui heredes de duobus mansis dabunt chorum et dimidium ordeï, Item Arnoldus quidam in eadem villa in eodem termino et post eum sui heredes de duobus mansis dabunt chorum et dimidium Siliginis et chorum et dimidium ordeï ad predictum altare liberaliter et perpetuo, a dicti altaris vicario, qui pro tempore fuerit, pacifice possidendos. Si vero predictus vicarius predicti altaris in solutione predictorum chororum in festo Santi Martini fuerit casualiter prepeditus, Extunc noster tunc celerarius aut eius Nuncius, Si opus est, Sicut alios nostros Redditus, per ablationem pignoris extorquebit dictos choros. Addicimus etiam, quod Subditi predictorum chororum prefati et eorum successores, qui eos soluent annuatim, nichilominus manebunt sub protectione nostra et nostre Ecclesie, Ita quod eos tuebimur et fouebimus in eorum necessitatibus fide tota: preterea idem vicarius qualibet Secunda feria et quarta feria dicet Missam pro defunctis, nisi in festis. Aliis vero in Septimana diebus prout Sibi ex deuotione occurrerit dicet missam. Attamen si plebanus nostre Ecclesie eum Rogauerit necessitate ingruente Missam, vbi plebano placuerit et parrochie conuenit Missam beniuole celebrabit. Et hic vicarius ex iussu plebani nostri confessionem audiet oportuno tempore, Sicut in aduentu domini et in Quadragesima et Rogatus sine contradictione Jura parochialia exercebit. Ceterum obuentiones et oblationes ad predictum altare quocumque modo prouenientes sine omni diminutione plebano et dominis integre presentabit. Item idem vicarius Cameram seu dormitorium vicariorum et chorum sicut alii more solito deuotius obseruabit. Et nos predictum altare Semper, cum vacare continget, liberaliter conferemus. In huius euentiam prefens damus scriptum Sigillo nostri capituli Roboratum. Huius rei Sunt Testes Bertholdus prepositus Stolpensis, dominus zacharias, dominus Johannes plebanus Sancte marie, dominus Johannes de vincelberge, Magister woltherus, hinricus plebanus Sancti Jacobi, Clerici, Thylemannus et Nicholaus fratres de Scadewachten et Radolphus Ecclesie vitricus Lagyci et quam plures alii fide digui. Actum et datum in Stendal, anno domini M^o. CCC^o. VI^o. in die Circumcisionis domini, per manus predicti domini zacharias.

LXXVII. Schiedspruch wegen des Rangverhältnisses der Domherrn, vom 26. März 1306.

In nomine domini Amen. Nos Martinus, Stendalensis Ecclesie Decanus, Electus arbiter seu arbitrator in causa et controuersia que vertitur et vertebatur inter discretos viros dominum Zachariam ex parte vna et dominum Johannem de vincelberge ex parte altera, stendalensis ecclesie Canonicos, videlicet de stallo in choro et quis alium precedere debeat Legendo et Contando vt canonicus, et in processionibus precedendo, In premissis et singulis premissorum de plano sine strepitu iudicii et figura examinare, cognoscere, partes ad audiendum sententiam seu preceptum conuocare, pronuntiare et diffinire, prout nobis consciencia dictauerit Secundum consilium sapientum. Auditis igitur et intellectis et examinatis parcium iuribus, deliberacione prehabita diligenti, pro bono pacis et concordie, ex vigore compromissi predicti, christi nomine iuuocato, Laudamus, ordinamus, arbitramur, diffinimus, dicimus atque precipimus, quod dominus Zacharias predictum dominum Johannem debeat precedere in processionibus vt canonicus, Legendo et cantando. Quum autem inter predictos contro-

uerfia erat de iure communi et confuetudine eccleſie ſpeciali, dicente domino zacharia, ius commune eſſe pro eo videlicet, quod qui per permutacionem intrat aliquam Eccleſiam conuentualem uel collegiatam, vltimus debeat eſſe in hiis, que requiruntur tam in proceſſionibus, quam in choro: dicente domino Johanne de vincelberge huic iuri communi per confuetudinem eccleſie ſtendalgenſis eſſe derogatum. Nos igitur diſcretorum videlicet domini Bartoldi prepoſiti in ſtolp et canonici in ſtendal, nec non diſcreti viri domini Conradi dicti de Nyendorp, quondam ſtendalgenſis decani examinatis conſcienciis, non inuenimus confuetudinem eccleſie in aliquo eſſe comprobata, que iuri communi poſſit uel debeat derogare. Laudamus, ordinamus, arbitramur, diffinimus dicimus atque precipimus, de iure communi et ſtatu Canoniorum ſtendalgenſis eccleſie nunc ſpeciali, quod omnes illi, qui per permutacionem Canonicatum ſeu prebendam ſtendalgenſis eccleſie intrauerunt uel intrabunt in futurum, ius commune obſeruabunt Ita, qui prius per permutacionem Canonicatum ſeu prebendam eſt adeptus, prior in capitulo et in choro, et ſic deinceps prout ſecundum ordinem intrauerunt. Inſuper recognoſcit Theodericus de Luderez, ſtendalgenſis eccleſie canonicus, quod licet ipſe prius eccleſiam ſtendalgenſem intrauerit per permutacionem, prebendam et canonicatum ſit adeptus, Tamen ob reuerenciam dicti domini Johannis de vincelberge ei concedit de gracia ſpeciali, quod priorem locum habeat, quam ipſe, tam in capitulo quam in choro. In cuius rei teſtimonium Nos Meynardus prepoſitus, Martinus Decanus Totumque capitulum eccleſie ſtendalgenſis figillum capituli noſtri preſentibus duximus apponendum. Acta ſunt hec Anno domini M°. CCC°. VI°. VII°. kalendas Aprilis.

LXXVIII. Biſchof Albert von Halberſtadt beſtätigt die getroffenen Wahlen von Domherrn, am 2. Mai 1306.

Albertus, dei gratia epiſcopus Eccleſie halberſtadenſis, — viris honorabilibus Meynardo prepoſito ac domino martino legum profeſſori Decano totique capitulo eccleſie ſtendalgenſis. — Honeſtatis veſtre dilectioni cum graciaram actionibus inclinamus ſpecialiter ſuper eo, quod preces noſtras, quas vobis pro bertrammo ſcolare, filio viri honeſti, ſpecialis noſtri Weneri de hildenſem, cuius in Magdeburg, nuper direximus, dignabamini benignius exaudire, non ex iure, quod uel noſtri predeceſſores epiſcopi eccleſie halberſtadenſis ſibi in hac parte poterant vendicaffe vel nos nobis vendicare poſſimus, ſed ex mera veſtra beniuolentia pariter et fauore, et tanto amplius, quanto dictum noſtrum electum aliis veſtris nuper cum ipſo electis preponere curauiftis, quod apud eccleſiam ueſtram et perſonas eccleſie liberaliſſime volumus promereri: preterea rationabilibus veſtris precibus nobis pro confirmatione electionum predictarum per vos nuper celebratarum vt predicatur annuentes, ipſas electiones ratas habentes, In nomine domini preſentibus confirmamus, Salua etiam ordinatione veſtra de media prebenda in eccleſia veſtra proxime vacatura per vos prouide facta, Cui noſ ex predictis electionibus hac confirmatione nichil prejudicii volumus generari nec eam in aliquibus infirmari. In quorum euidentiam preſentes noſtras literas vobis duximus concedendas, ſigilli noſtri appenſione munitas. Actum et Datum langentſen, anno domini M°. CCC°. ſexto, feria ſecunda poſt dominicam, qua cantantur letare Jheruſalem.